



## Reglur vegna umsókna um niðurfellingu sorphirðugjalda

Sorphirðugjöld Norðurþings eru innheimt með fasteignasköttum og eru gjalddagar jafnmargir gjalddögum fasteignagjalda í heild. Sorphirðugjöld eru lögð á í samræmi við Samþykkt um meðhöndlun úrgangs í Norðurþingi nr. 646, frá 3. júlí 2017 og samkvæmt gjaldskrá sveitarfélagsins sem samþykkt er samhliða fjárhagsáætlun hvers árs í sveitarstjórn Norðurþings.

Þegar umsókn um niðurfellingu sorphirðugjalda er tekin til efnislegrar umfjöllunar í byggðarráði eru eftirtalin atriði til viðmiðunar;

- Fasteign sem er skráð sem atvinnuhúsnæði að fullu greiðir ekki sorphirðugjöld. Eigandi fasteignarinnar sér sjálfur um sorphirðu og ber kostnaðinn af því. Ef fasteign er skráð sem atvinnuhúsnæði að fullu þá nýtur eigandi ekki aðgangs að sorptunnum á vegum sveitarfélagsins eða að klippikortum og greiðir því sjálfur fyrir alla losun á sorpi
- Ef fasteign er skráð sem atvinnuhúsnæði að hluta og íbúðarhúsnæði að hluta þá þarf fasteignaeigandi að óska sérstaklega eftir niðurfellingu á sorphirðugjöldum. Ef fasteign er skráð sem atvinnuhúsnæði að hluta og íbúðarhúsnæði að hluta og greiðir sorphirðugjöld, þá nýtur eigandi fullrar sorphirðuþjónustu og aðgangs að klippikorti
- Eigandi húsnæðis sem er skráð að hluta sem atvinnuhúsnæði og að hluta sem íbúðarhúsnæði sem óskar eftir að greiða ekki sorphirðugjöld, skal senda inn beiðni til sveitarfélagsins um að sorptunnur verði fjarlægðar ásamt tilkynningu um að eigandi muni ekki nýta sér klippikort vegna losunar á gámastöðvum. Beiðni um fjarlægingu á tunnum og innlagning á klippikorti skal berast skrifstofu sveitarfélagsins að Ketilsbraut 7-9, eða rafrænt á netfangið nordurthing@nordurthing.is

Óski fasteignaeigandi eftir því að sorphirðugjöld verði felld niður skal ferli umsóknar vera eftirfarandi:

- Umsókn berst skriflega á skrifstofu sveitarfélagsins eða rafrænt á netfangið nordurthing@nordurthing.is
- Umsókn þarf að fela í sér hver forsenda beiðni um niðurfellingu er þ.m.t. staðfestingu á því að beiðni um að sorptunnur verði fjarlægðar hafi verið send sveitarfélaginu
- Umsókn um niðurfellingu sorphirðugjalds er afgreidd af byggðarráði Norðurþings og afgreiðsla ráðsins send fasteignaeiganda
- Hafi niðurfelling verið samþykkt, þá skal uppgjör vegna hennar miða við dagsetningu ákvörðunar byggðarráðs þar um.



Reglur þessar voru samþykktar á 385, fundi byggðarráðs Norðurþings þann 11. febrúar 2021 og staðfestar í sveitarstjórn þann 17. febrúar 2021.